

私出外境及違禁下海

律例根源卷之四十九

續纂

一山海關所屬冷口迤東一帶與奉天錦州復州蓋平三州縣及蓋平縣界內之熊岳城並寧海縣皆近接海洋除奸民私販鋼鐵遞運海洋交賣商漁船隻分別觔數照例問擬外其近邊州縣內地商民若因打造農具買運鋼鐵出口一百觔以內者准其買運令該商民呈明運往境內何處該地方官填給印照

呈遞守口員弁查驗放行如查有額外攜帶及無照夾帶不成器皿之鐵並非遞運海洋亦非賣與商船隻至五十觔者將鐵入官照不應重律杖八十一百觔以外者於沿海地方商民將鐵遞運海洋交賣商漁船隻一百觔以上軍罪例上減一等杖一百徒三年守口員弁有藉端需索者叅處治罪

臣等謹按道光四年五月內據調任山海關副都統哈興阿以山海關所屬冷口迤

東一帶與奉天錦復熊蓋金玉城皆近接海洋鋼鐵尤宜嚴密稽查然民間打造農具亦所必需議請嗣後如實係近邊州縣內地商人買運出口在於境內打造農具令該商人呈明產鐵處所地方官以一百觔爲度填給印照發給該商人執持到口呈遞守口官弁查驗放行尙在與填數目之外有私行攜帶及無照夾帶不成器皿之鐵至五十觔出口者將鐵入官量予薄

懲如遇白舢以外照例治罪守口官弁有藉端需索情事據實叅辦等因咨部經臣部會同戶部照議咨覆在案等伏查該都統原咨內僅稱五十舢出口者量子薄懲百舢以外照例治罪並未指定罪名遇有此等案件辦理難免參差自應分晰指明以昭畫一惟查沿海地方商民圖利將鐵舢私販遞運海洋交賣商漁船隻至一百舢以上發近邊充軍係指業經賣與商

漁船隻而言其但係私行夾帶並非遞運海洋亦未賣與商漁船隻若竟一例擬軍未免漫無區別亦應量子減等以昭情法之平臣等公同酌議該處商民如有額外私行攜帶及無照夾帶不成器皿之鐵至五十舢以上者照不應重律杖八十一百舢以上於遞運海洋賣與商漁船隻軍罪例上減一等杖一百徒三年再查錦復熊蓋金五城係何州縣所屬原咨內未據指

明經臣部查據山海關副都統覆稱錦係
錦州復係復州蓋係蓋平縣金係金川卽
蓋海縣熊係熊岳在蓋平縣界內俱係奉
天所屬沿海地方所有商民買運鋼鐵出
口分別治罪之處應請纂入例冊以便引
用

原例

一拿獲偷渡過臺客民如尙在陸路客店道旁
未登舟以前客頭船戶客民俱照本例減一

等發落如已登舟無分大船小船已未出口
將客頭船戶客民卽照偷渡本例治罪若不
法客頭船戶內有積慣在於沿海村鎮引誘
包攬招集男婦老幼數至三十人以上者無
論已未登舟一經拿獲卽將客頭船戶年力
強壯者發遣新疆給種地兵丁爲奴年老殘
廢者改發極邊烟瘴充軍至拿獲偷渡客民
務須嚴究沿海陸路在何村鎮客店會集將
該處兵役澳甲地保客店究明如止於失察

兵役杖一百澳甲地保客店人等杖七十如有賄縱情弊計贓從重論兵役澳甲人等能於客店聚眾時拿獲及首報偷渡客民者雖在本汛亦按照拿獲偷渡客民計名給賞若將並非偷渡之人輒行妄拏圖功邀賞及挾嫌嚇詐情事仍各照本例分別從重治罪

臣等謹按道光六年十一月內軍機大臣會同臣部議覆直隸總督那彥成奏調劑新疆遣犯摺內請將偷渡過臺客民若不

法客頭船戶內有積慣在沿海村鋪引誘包攬招集男婦老幼數十人以上無論已未登舟客頭船戶年力強壯發新疆爲奴一條改發極邊足四千里充軍等因奏准通行在案例內發新疆之處應行修改謹將修改例文開於後

修改

一拿獲偷渡過臺客民如尙在陸路客店道旁未登舟以前客頭船戶客民俱照本例減一

等發落如已登舟無分大船小船已未出口將各項船客民戶卽照偷渡本例治罪若不法客頭船戶內有積慣在於沿海村鎮引誘包攬招集男婦老幼數至三十人以上者無論已未登舟一經拿獲卽將客頭船戶俱改發極邊足四千里充軍至拿獲偷渡客民務須嚴究沿海陸路在何村鎮客店會集將該處兵役澳甲地保客店究明如止於失察兵役杖一百澳甲地保客店人等杖七十如有

賄縱情弊計賊從重論兵役澳甲人等能於客店聚眾時拿獲及首報偷渡客民者雖在本汛亦按照拿獲偷渡客民計名給賞若將並非偷渡之人輒行妄拏圖功邀賞及挾嫌嚇詐情事仍各照本例分別從重治罪

原例

一興販鴉片烟照收買違禁貨物例枷號一個月發近邊充軍爲從杖一百徒三年如私開鴉片烟館引誘良家子弟者照邪教惑眾律

擬絞監候爲從杖一百流三千里船戶地保鄰佑人等俱杖一百徒三年侍衛官員等買食鴉片烟者革職照違

制律杖一百加枷號兩個月軍民人等買食者俱杖一百枷號一個月

內廷太監買食者枷號兩個月發新疆給官兵爲奴如兵役人等藉端需索計贓照枉法律治罪失察之汛口地方文武各官並不行監察之海關監督均交部嚴加議處

臣等謹按道光六年十一月內軍機大臣會同臣部議覆直隸總督那奏調劑新疆遣犯摺內請將

內廷太監買食鴉片烟枷號兩箇月發新疆爲奴一條改發各省給駐防官員兵丁爲奴仍照例枷號等因奏准通行在案例內發新疆之處應行修改謹將修改例文開列於後

修改

一興販鴉片烟照收買違禁貨物例枷號一個月發近邊充軍爲從杖一百徒三年如私開鴉片烟館引誘良家子弟者照邪教惑眾律擬絞監候爲從杖一百流三千里船戶地保鄰佑人等俱杖一百徒三年侍衛官員等買食鴉片烟者革職照違制律杖一百加枷號兩個月軍民人等買食者俱杖一百枷號一個月

內廷太監買食者枷號兩個月改發各省駐防給

官員兵丁爲奴如兵役人等藉端需索計贓照枉法律治罪失察之汛口地方文武各官並不行監察之海關監督均交部嚴加議處
原例

一內洋失事仍照例文武帶同事主會勘外如外洋失事聽事主於隨風飄泊進口處帶同舵水赴所在文武衙門呈報該衙門卽訊明由何處放洋行至被刦處所約有里數若干卽將事主開報贓物報明各該管印官該文

武印官查照洋圖定爲何州縣營汛所轄飛關所轄州縣會營差緝事主卽予省釋毋庸候勘至詳報督撫衙門無論內外洋失事以事主報到三日內出詳馳遞以便據報行查海關各口將稅簿贖單互相較核有貨物相符者卽照盜船夥黨姓名呈報關拿至守口員弁倘有規避處分互相推卸或指使捏報地界者將推諉員弁交部照例議處其稽查關口員役如於未接文檄之先能查出匪船

拿獲稟報者分別議敘吏役酌量給賞如奉到文檄能按照單簿據實查出飛移所在地方將盜犯拿獲者免其處分

臣等謹按道光八年二月內

臣部會同吏

部兵部會議閩浙總督孫爾準浙江巡撫劉彬士會奏籌議海洋盜案叅緝章程一摺內稱浙江省寧波等府所屬洋面與江蘇福建接界遇有商民呈報在洋被刦之案各營縣先將事主多方詰訊如失事在

交界處所卽互相推諉迭傳事主赴洋會勘經年累月延不定案事主徒受苦累賊盜弋獲無期殊非弭盜安良之道自應明定章程以杜推諉而免延累酌量嗣後在洋被劫各案除內洋有營汛界址外其出外洋失事之案無論本省鄰省總以事主初呈所指被劫地方爲準如有不能實指地名者卽於報案時將洋圖令其指認地方官一經據報在本縣該管洋面被劫卽

行緝拿賊盜一面移會交界縣分一體查緝如事主呈報指明係在鄰縣或鄰省洋面被劫去者該縣卽一面緝拿一面將原報呈詞飛移失事地方並詳報該督撫分別咨行毋庸傳同事主會勘仍令該督撫等嚴飭所屬不分畛域實力奉行至外洋失事文武官倘有藉詞推諉或令事主改換報呈或令盜犯捏供別處者卽照規避例叅革究辦等因具奏奉

旨依議欽此欽遵在案應於例內修改明晰以資
遵守謹將修改例文開列於後

修改

一內洋失事仍照例文武官帶同事主會勘外
如外洋失事聽事主於隨風飄泊進口處帶
同舵水赴所在文武衙門呈報該衙門接准
報呈以事主所指被劫地方爲準倘事主不
能指實地名卽將洋圖令其指認如在本縣
該管洋面被劫者卽行差緝一面移會交界

縣分一體緝拿如所報係在鄰縣或鄰省洋
面被劫者該縣一面緝拿一面將報呈飛移
失事地方並詳報該督撫分別咨行毋庸傳
同事主會勘仍令該督撫嚴飭所屬不分畛
域實力奉行地方文武官倘有藉詞推諉或
令事主改換報呈或令盜犯捏供別處者照
規避例叅革究辦至詳報督撫衙門無論內
外洋失事以事主報到三日內出詳馳遞以
便據報行查海關各口將稅簿賊單互相較

核有貨物相符者卽照盜船夥黨姓名呈報
關拿若守口員弁有規避處分互相推卸或
指使捏報地界者將推諉員弁交部照例議
處其稽查關口員役如於未接文檄之先能
查出匪船拿獲稟報者分別議敘吏役酌量
給賞如奉到文檄能按照單簿據實查出飛
移所在地方將盜犯拿獲者免其處分

續纂

一凡商人有攜帶引茶貨物在喀什噶爾等處

與私越進卡之布魯特易換貨物等或相買
賣者除違禁軍器硝磺實犯死罪外餘俱發
邊遠充軍如係私茶卽照興販私茶與外國
交易例發烟瘴充軍知情容留之歇家說合
之牙保各與本犯同罪貨物入官如商人攜
貨私越卡外及越卡進內交易之布魯特俱
發雲貴兩廣烟瘴充軍

臣等謹按道光十年正月內 臣部議覆喀
什噶爾泰贊大臣扎隆阿等奏拿獲越邊

私貨違禁易茶之布魯特胡達巴爾底等
及販茶民人楊生發分別治罪並請酌定
專條一摺具奏奉

旨此案民人楊生發以所販引茶圖利向私越開
齊之布魯特易換綢疋金絲線實屬違禁著照
部議發邊遠充軍布魯特胡達巴爾底阿布都
爾哈里攜帶綢疋金線偷越進卡與楊生發貨
物易換茶葉俱著發雲貴兩廣烟瘴地方充軍
回子阿巴斯窩藏私貨並從中說合換茶著改

發邊遠充軍該犯等俱著各於犯事地方枷號
三個月以昭儆戒至回疆現當嚴禁浩罕通商
之際該部將私越該處貨物入邊及違禁易茶
酌定專條著照所議嗣後商人有攜帶引茶貨
物在喀什噶爾等處與私越進卡之布魯特等
易換貨物或相買賣者除違禁軍器實犯死罪
外餘俱照私通土苗互相買賣例發邊遠充軍
如係私茶卽照私茶與外國人交易例發烟瘴
地面充軍知情容留之歇家說合之牙保各與

本犯同罪貨物入官如商人攜貨私越開齊奏
定章程發雲貴兩廣烟瘴地方充軍該部卽纂
入則例永遠遵行欽此欽遵在案應纂輯爲例
以資引用

兵律

關津

私出外境及違禁下海

原例

一興販鴉片烟照收買違禁貨物例枷號一個
月發近邊充軍爲從杖一百徒三年如私開
鴉片烟館引誘良家子弟者照邪教惑眾律
擬絞監候爲從杖一百流三千里船戶地保
鄰佑人等俱杖一百徒三年侍衛官員等買

食鴉片烟者革職照違

制律杖一百加枷號兩個月軍民人等買食者俱杖一百枷號一個月

內廷太監買食者枷號兩個月改發各省駐防給官員兵丁爲奴如兵役人等藉端需索計贓照枉法律治罪失察之汛口地方文武各官並不行監察之海關監督均交部嚴加議處

臣等謹按道光十一年六月內 部議覆前任兵科給事中劉光三奏請酌加買食

鴉片烟罪名等情一摺奉

旨刑部核議給事中劉光三奏請附加買食鴉片烟罪名等情嚴定條款具奏著照所請嗣後軍民人等買食鴉片烟者杖一百枷號兩箇月仍令指出販賣之人查拿治罪如不將販賣之人指出即將食烟之人照販賣爲從例杖一百徒三年職官及在官人役買食者俱加一等治罪仍令各該督撫及地方道府州縣等官出具署內並無買食鴉片烟各甘結於年終彙奏一次

如本官徇隱不究從嚴叅處等因欽此欽遵通行各直省在案應於例內修改明晰再查賭博例內聲明拏獲牌骰見發有據者方坐不許妄扳拖累今買食鴉片煙既照賭博例加重辦理自應照賭博例一併據見發爲坐應於例內添敘謹將修改例文開列於後

修改

一興販鴉片烟照收買違禁貨物例枷號一箇

月發近邊充軍爲從杖一百徒三年私開鴉片烟館引誘良家子弟者照邪教惑眾律擬絞監候爲從杖一百流三千里船戶地保鄰佑人等俱杖一百徒三年軍民人等買食鴉片烟者杖一百枷號兩個月仍令指出販賣之人查拿治罪如不將販賣之人指出即將食烟之人照販賣爲從例杖一百徒三年職官及在官人役買食者俱加一等治罪內廷太監買食者枷號兩個月改發各省駐防給

官員兵丁爲奴以上俱拿獲鴉片烟見發有據者方坐不許妄扳拖累如兵役人等藉端需索計贓照枉法律治罪失察之汛口地方文武各官並不行監察之海關監督均交部嚴加議處仍令各該督撫及現任道府州縣等官出具署內並無買食鴉片烟各甘結於年終彙奏一次如徇隱不究從嚴叅處

續纂

一內地奸民人等行栽種罌粟花葵花收漿煎

熬鴉片烟及買土煎熬售賣圖利者均照造賣賭具例爲首發邊遠充軍爲從杖一百流二千里田地船隻房屋照例入官其知情租給田地房屋之業主及知情受雇容留之船戶但在一年以外者發邊遠充軍一年以內杖一百流二千里半年以內杖一百徒三年雇租之田地船隻房屋一律入官有能自行首告將私栽私熬之犯指拿到官者免罪田地船隻房屋並免入官首而無獲者但准免

罪田地船隻房屋仍行入官左右緊鄰據實首報照例給賞知而不舉杖一百受財者計贓准枉法從重論地保受賄故縱照首犯一體治罪贓重者計贓以枉法從重論其知情容隱雖未受賄亦照爲從例問擬仍令各督撫責成該管道府實力查禁出具所屬並無栽種鴉片烟切實印結年底由司彙齊咨部並着該督撫於每年具奏編查保甲摺內一併詳細聲敘其有查禁不力者交部分別議處

處

臣等謹按道光十年十二月內

臣部議覆

原任閩浙總督孫爾準奏妥議嚴禁種賣

鴉片烟章程一摺奉

上諭盧蔭溥等奏議覆孫爾準嚴禁內地種賣鴉片煙章程一摺前據御史邵正笏奏近年內地奸民有種賣鴉片煙之事降旨令各督撫確查嚴禁嗣據孫爾準查明閩浙情形酌定嚴議章程交該部議奏茲據盧蔭溥等核議具奏請通

飭各督撫一體遵照畫一辦理嗣後內地奸民人等有種賣煎熬鴉片烟者卽照與販鴉片烟之例爲首發近邊充軍爲從杖一百徒三年地保受賄故縱照首犯一體治罪賊重者計贓以枉法從重論其知情容隱雖未受賄亦照爲從例問擬所種烟苗拔毀田地入官各督撫卽責成該管道府督飭各屬實力查禁乘抽查保甲之便於春間赴鄉稽一次將有無私栽鴉片烟出具印結年底由司會齊咨部並著各督撫於

每年具奏編查保甲摺內一併詳晰聲敘如有拔除不盡仍任流毒地方卽遵照道光三年部定處分分別叅辦毋稍徇隱將此通諭知之

欽此又十一年十月內臣部議覆兩江總

督陶澍等奏議增嚴禁熬烟章程一摺內稱興販鴉片烟並栽種煎熬者治罪已各有專條至買土熬烟以及容畱熬烟之船戶房主等犯作何擬罪之處從前均未議及茲據該督等奏請將熬煙之犯照製造

賭具例問擬其受雇容留之船戶得租容
留之房主均比照賭博例定擬等因係爲
淨絕根株起見應如所奏辦理惟栽種煎
熬人犯從前係照販賣例擬發近邊充軍
查栽種煎熬較之買土煎熬者情節相仿
擬罪卽未便兩歧似應一律改照製造賭
具定擬以昭允協議請嗣後內地奸民人
等有栽種鴉片烟及買土煎熬售賣圖利
者卽照造賣賭具例爲首發邊遠充軍爲

從者杖一百流三千里田地船隻房屋照
例入官其租給田地房屋之業主並受雇
容留之船戶一律比照賭博例定擬容留
知情一年以內者照興販鴉片爲首例發
近邊充軍半年以內者照興販鴉片爲從
例杖一百徒三年但經知情容留受雇得
租之初犯仍擬杖一百均先於獲拏沿河
馬頭及通衢處所枷號一箇月其雇租之
田地船隻房屋一律入官再犯者卽發近

邊充軍有能自行首告並將私熬之犯指
拏到官者免罪併免入官首而無獲者但
准免罪田地船隻房屋仍行入官左右緊
鄰據實首報照例給賞知而不舉杖一百
受財者計贓准枉法從重論等因具奏奉
旨允准通行遵照各在案惟查例載容
畱製造賭具之房主一年以外發邊遠充軍一年以
內杖一百流三千里半年以內杖一百徒
三年今容畱栽種煎熬鴉片烟之業主船

戶原奏內既聲明一律比照賭博例開擬
而所定罪名與賭博例微有參差尙不足
以昭平允自應即照賭博之例將原奏內
罪名酌加改定續纂專條以資引用
一製造及販賣鴉片烟器具者照造賣賭具及
販賣賭具例分別治罪有將烟具攜出修製
者許匠工首告量子獎賞

一同居子弟有買食鴉片烟者除本犯照例懲
辦外將家長照不能禁約子弟爲竊之例治

罪

臣等謹按道光十一年五月內前任陝甘總督楊遇春奏查禁鴉片烟章程一摺奉上諭楊遇春奏遵旨查禁鴉片烟章程開單具奏據稱甘肅省現在尙無將罌粟花熬烟販賣之事其外來商旅夾帶偷銷責令各州縣嚴密稽查一經獲犯根究販賣來路暨經過稅口卽將失察之州縣故縱之吏胥嚴行叅懲不得藉端擾累行旅至製造及販賣鴉片烟器具者照賭

具之例懲辦其有將烟具攜出修製者許匠丁首告量予獎賞並出示曉諭責成家長約束倘同居子弟有販賣買食者別經發覺除本犯治罪外著將家長照不能禁約子弟爲竊之例治罪等因欽此欽遵在案應纂輯專條以資引用一臺灣地方掣獲番割除實犯死罪外但經訊有散髮改裝擅娶番婦女情事卽照臺灣無籍遊民獷悍不法犯該徒罪以上例酌量情節輕重分別充軍其僅止擅娶番婦女

並無散髮改裝情事者杖一百徒三年

臣等謹按道光十四年正月內軍機大臣

會同_臣部議覆閩浙總督程祖洛奏臺灣

善後事宜一摺內稱臺灣生番原不敢出

山滋事近有不法奸民學習番語偷越定

界散髮改裝謀娶番女名爲番割勾串生

番搶殺最爲可惡議請嗣後挈獲番割除

實犯死罪外但經訊有散髮改裝擅娶番

女情事卽照臺灣無籍遊民獷悍不法犯

該徒罪以上例酌量情節輕重分別充軍

其僅止擅娶番女並無散髮改裝情事比

照偷越深山抽藤釣鹿伐木採棕例杖一

百徒三年熟番向化已久與漢人無異民

娶熟番之婦仍聽其便並請纂入條例等

因具奏奉

旨允准在案謹纂輯專條以資引用

一臺灣奸民私煎硝磺無論已未興販如數在
十斤以下者杖一百刺字逐令過水十斤以

上杖六十徒一年每十斤加一等多至百斤以上及合成火藥在十斤以下者發近邊充軍多至三百斤以上及合成火藥至十斤以上者照私鑄紅衣等大小砲位例處斬妻子緣坐財產入官如將硝磺與生番交易貨物及偷漏出海外者均以通賊論總董牌甲鄰佑挑夫船戶知情不舉者連坐失察各官照例議處自行拏獲者免議

臣等謹按道光十四年正月內軍機大臣

會同臣部議覆閩浙總督程祖洛奏臺灣善後事宜一摺內稱臺灣環海地多斥鹵民間築土爲墻氣蒸日曬取墻土煎之即可成硝自應嚴禁議請嗣後如有臺灣奸民私煎硝磺毋論已未與販照附近苗疆五百里以內煎宅窩頓興販硝磺例數在十斤以下杖一百刺字逐水十斤以上杖六十徒一年每十斤加一等多至百斤以上及合成火藥在十斤以下者照合成火

藥賣與鹽徒例發近邊充軍多至三百斤以上及合成火藥至十斤以上者照私鑄紅衣等大小砲位例處斬妻子緣坐財產入官如將硝磺與生番交易貨物及偷漏出海者均以通賊論總董牌甲鄰佑挑夫船戶知情不舉者連坐失察各官比照議處自行掣獲者免議並請纂入條例等因具奏奉

旨允准在案謹纂輯專條以資引用

一栽種罌粟等花尙未收漿熬烟

必訊明實係因熬烟起見

者方坐

及收買鴉片烟土尙未熬烟售賣者俱

杖一百徒三年

臣等謹按栽種罌粟等花收漿熬烟及收買鴉片烟土煎熬售賣俱經奏明定立專條其私種而未收漿買土而未煎熬售賣作何擬罪之處未經議及近來各省遇有此等案件有照已成擬軍者亦有減等擬徒者辦理未能畫一查造賣牌骰未成例

係照賣造已成減一等問擬滿徒今栽種及收買鴉片烟尙未煎熬售賣與造賣牌骰未成情罪相等自應一律仿照酌減定擬謹纂輯專條以資引用

原例

一沿邊沿海地方有將黃金販賣出洋者照鐵貨銅錢等物私出外境下海律治罪

臣等謹按道光十三年四月內據兩江總督陶澍等奏體察銀錢貴賤情形酌籌事

宜一摺內稱律例內祇有黃金銅鐵銅錢出洋治罪之條並無銀兩出洋作何治罪明文恐無以懾奸商之志奏請

勅部明定例禁頒發通行等因奉

旨交_臣部悉心酌定具奏經_臣部查白銀一項雖

非鐵貨銅斤堪以製造軍器者可比惟究屬內地物產止應供內地之用與米穀等數並無二致若任其私運出洋則偷漏日多內地轉形支絀於

國計民生均有關係自應仿照米穀出洋之例另立治罪專條以示懲創再查黃金出洋照鐵貨等物私出外境下海本律間擬杖一百之例係雍正八年纂定嗣例內鐵貨等物續經加重而黃金則尚仍其舊誠恐法輕易犯不足以杜販賣之源且黃金出洋與白銀出洋事同一例未便辦理兩歧議請嗣後黃金白銀違例出洋如白銀數在一百兩以上者照偷運米穀一百石以

上例發近邊充軍一百兩以下杖一百徒三年不及寸兩者枷號一個月杖一百爲從及知情不首之船戶各減一等至黃金每兩作白銀十兩科斷失察賄縱之汎口文武各官俱照失察賄縱米穀例懲辦等因具奏奉

旨允准通行遵照在案應於例內添纂明晰以資引用謹將修輯例文開列於後

修改

一黃金白銀違例出洋如白銀數在一百兩以上者發近邊充軍一百兩以下杖一百徒三年不及十兩者枷號一個月杖一百爲從及知情不首之船戶各減一等至黃金每兩作白銀十兩科斷失察賄縱之汛口文武各官俱照失察賄縱米穀例懲辦

續纂

一內地奸民有摹造洋板銷化白銀仿鑄洋錢圖利者一經當場拏獲如數在一百圓以上

者發近邊充軍一百圓以下杖一百徒三年不及十圓者枷號一個月杖一百爲從各減一等

臣等謹按道光十三年七月內據陞任福建道監察御史黃爵滋奏洋銀應禁仿鑄之弊請嚴立科條一摺內稱紋銀出洋有禁而洋銀無禁商民將盡以紋銀鑄爲洋銀不過一爐火轉旋之間遂可置身法外請將仿鑄洋銀之犯卽照私鑄銅錢科罪

等因經臣部查白銀出洋雖經明立科條而仿鑄洋銀之禁不行則偷漏出洋之弊誠恐不能盡絕自應另立治罪專條以昭懲創惟是仿鑄洋銀其情究與私鑄銅錢不同錢法之權操於上私鑄則犯禁亂法故治罪不得不嚴若內地紋銀向准傾銷鎔化原非銅錢之有關

國寶者可比即謂其鑄爲洋銀恐致偷漏出洋亦祇可從重坐以白銀出洋之罪未便遽照

私鑄銅錢問擬重辟致失情法之平議請嗣後內地奸民有摹造洋板銷化白銀仿鑄洋錢圖利者一經當場拏獲如數在一百圓以上者即照白銀出洋一百兩以上例發近邊充軍一百圓以下杖一百徒三年不及十圓者枷號一個月杖一百爲從各減一等等因具奏奉

旨允准通行遵照在案應纂輯專條以資引用

兵律

關津

私出外境及違禁下海

原例

一興販鴉片烟照收買違禁貨物例枷號一箇
月發近邊充軍爲從杖一百徒三年私開鴉
片烟館引誘良家子弟者照邪教惑眾律擬
絞監候爲從杖一百流三千里船戶地保鄰
佑人等俱杖一百徒三年軍民人等買食鴉

片烟者杖一百枷號兩個月仍令指出販賣之人查拿治罪如不將販賣之人指出即將食烟之人照販賣爲從例杖一百徒三年職官及在官人役買食者俱加一等治罪

內廷太監買食者枷號兩個月改發各省駐防給官員兵丁爲奴以上俱拿獲鴉片烟見發有據者方坐不許妄扳拖累如兵役人等藉端需索計贓照枉法律治罪失察之汛口地方文武各官並不行監察之海關監督均交部

嚴加議處仍令各該督撫及現任道府州縣等官出具署內並無買食鴉片烟各甘結於年終彙奏一次如徇隱不究從嚴叅處

一內地姦民人等有栽種罌粟花葵花收漿煎熬鴉片烟及買土煎熬售賣圖利者均照造賣賭具例爲首發邊遠充軍爲從杖一百流二千里田地船隻房屋照例入官其知情租給田地房屋之業主及知情受雇容留之船戶但在一年以外者發邊遠充軍一年以內

杖一百流二千里半年以內杖一百徒三年
雇租之田地船隻房屋一律入官有能自行
首告將私栽私熬之犯指拿到官者免罪田
地船隻房屋並免入官首而無獲者但准免
罪田地船隻房屋仍行入官左右緊鄰據實
首告照例給賞知而不舉杖一百受財者計
贓准枉法從重論地保受賄故縱照首犯一
體治罪贓重者計贓以枉法從重論其知情
容隱雖未受賄亦照爲從例問擬仍令各督

撫責成該管道府實力查禁出具所屬並無
栽種鴉片烟切實印結年底由司彙齊咨部
並着該督撫於每年具奏編查保甲摺內一
併詳細聲敘其有查禁不力者交部分別議
處

臣等謹按道光十九年五月內大學士軍
機大臣會同各衙門及部議覆陞任鴻
臚寺卿黃爵滋並各省將軍都統督撫及
各科道條奏嚴禁鴉片烟章程一摺內稱

鴉片之來皆由內地姦民與夷匪私相交
易以致毫無顧忌肆意暢行錮習益深日
甚一日查內地姦商輾轉銷售以及開設
烟館引類呼朋墮其術者罔不形同鬼蜮
蕩產傾家核其情罪實爲

聖世所不容至吸食鴉片烟者初則被人引誘近
則視爲泛常儻經此次勸諭依然恬惡不
悛則藐法梗化必不可寬况吸食一日不
斷則興販一日不絕惟有一律從嚴庶可

根株淨盡永絕弊源議請將開設烟館首
犯擬絞立決房屋入官爲從及知情租給
房屋之犯發新疆給官兵爲奴兵役受賄
包庇與犯一體科罪其知情之地保鄰佑
人等仍照舊例杖一百徒三年有贓者計
贓准枉法從重論十家牌長一體懲辦其
失察之該管各官分別議處又內地姦民
人等有栽種罌粟花等收漿置造鴉片烟
土或煎熬成膏售賣及興販鴉片烟膏烟

土發賣圖利數至五百兩或雖不及五百兩而興販多次者首犯擬絞監候爲從發極邊烟瘴充軍若興販僅止一二次並爲數不及五百兩爲首發新疆給官兵爲奴爲從發極邊足四千里充軍兵役受賄包庇與首犯一體科罪贓重者計贓以枉法從重論其知情租給田地房屋之業主及知情受雇之船戶但在一年以外者發邊遠充軍一年以內杖一百流二千里半年

以內杖一百徒三年田地船隻房屋一律入官有能自行首告將犯指拏到官者免罪田地船隻房屋並免入官首而無獲者但准免罪田地船隻房屋仍行入官鄰佑地保知而不首各杖一百有贓者計贓准枉法從重論十家牌長一體懲辦其查禁不力並失察之該管各官分別議處又職官買食鴉片烟發新疆地方充當苦差兵丁買食者發近邊充軍平民吸食者杖一

百流二千里不能供出販賣之人加一等杖一百流二千五百里在官人役並官親幕友長隨人等在署吸食者又各加平民一等係旗人銷除旗檔一體實發失察兵役及官親幕友人等吸食之該管官分別議處以上均予限一年六個月限滿不知悛改無論官員軍民人等吸食鴉片烟一概擬絞監候開設烟館及栽種罌粟等花製烟售賣並與販鴉片烟首從各犯除現擬死罪外其餘亦俟一年六箇月後均擬絞監候又

內廷太監買食者如係在禁地坐更

宮殿值房禁門以內各值房吸食者擬絞監候家屬發往新疆給官兵爲奴失察之總管革職該處首領不論知情與否俱發往黑龍江給官員爲奴同屋太監均發往打牲烏喇給官員爲奴如係首領吸食將失察之本管總管革職發遣該處其餘首領及

太監等俱發吳甸鏹草五年究出販烟之人若係太監與吸食之人同罪若係民人交刑部按現定條規加等治罪如有在外圍值房各地坦公所吸食者將該太監枷號六箇月發極邊烟瘴永遠枷號遇

赦不赦其失察之總管實降二級首領革職同屋太監發吳甸鏹草三年如係首領吸食均照禁門以內新擬罪名辦理如有告假在外或潛往私宅或在他處吸食者將該首

領太監永遠枷號不赦若係該首領私宅將其家屬杖一百徒三年房屋入官若係他處將容隱之人交刑部加等治罪亦將房屋入官究出販烟之人加等治罪止

陵寢當差首領太監等如有吸食者照外圍辦理其王公門上之首領太監及各大臣宅中之太監等如有吸食者在慎刑司永遠枷號不赦究出販烟之人均加等治罪以上各條統限半年如半年以後

宮門以內有吸食者擬斬監候外圍等處

陵寢當差者及王公門上大臣宅中并已爲民太監等有吸食者擬絞監候等因具奏奉

上諭照所議辦理並著纂入則例永遠遵行等因

欽此 等伏查原定鴉片烟章程現已一年六箇月並半年限滿自應遵照原奏將原例逐一修改分爲四條以資引用謹將修改例文開列於後

修改

一開設鴉片煙館引誘良家子弟吸食者首犯擬絞立決爲從其知情租給房屋之犯擬絞監候房屋一律入官兵役受賄包庇與犯一體科罪地保鄰佑牌長人等知情者俱杖一百徒三年有贓者計贓准枉法從重論失察之該管各官交部議處

一內地姦民人等有栽種罌粟等花收漿製造鴉片烟土或熬膏售賣及興販鴉片烟膏烟土發賣圖利者首從各犯均擬絞監候兵役

受賄包庇一體科罪贓重者計贓以枉法從重論其知情租給田地房屋之業主及知情受雇之船戶在一年以外者發邊遠充軍一年以內杖一百流二千里半年以內杖一百徒三年田地船隻房屋一律入官有能自行首告將犯指拏到官者免罪田地船隻房屋並免入官首而無獲者但准免罪田地船隻房屋仍行入官鄰佑地保牌長知而不首各杖一百有贓者計贓准枉法從重論其查禁

不力並失察之該管各官交部議處

一官員兵民吏役人等吸食鴉片煙者俱擬絞監候係旗人仍銷除本身旗檔其失察兵役人等吸食鴉片烟之該管各官均交部議處

一太監在

宮門及禁門以內吸食鴉片烟者擬斬監候家屬發往新疆給官兵爲奴失察之總管革職該處首領不論知情與否俱發往黑龍江給官員爲奴同屋太監均發往打牲烏喇給官員

爲奴如係自領吸食將本管總管革職發遣其餘首領及太監等俱照吳甸鏞草五年如在外圍等處及

陵寢當差太監吸食者均擬絞監候失察之總管實降二級首領革職同屋太監發吳甸鏞草三年係首領吸食均照禁門以內例治罪如有告假在外或潛往私宅及在他處吸食者將首領太監永遠枷號若係首領在私宅吸食將其家屬杖一百徒三年房屋入官他處有

容出太監吸食鴉片烟者加等治罪房屋一律入官其王公門上大臣宅中及已爲民之太監有吸食鴉片烟者亦照外圍等處例治罪

原例

一栽種罌粟等花尙未收漿熬烟必訊明實係因熬烟起見及收買鴉片烟土尙未熬烟售賣者俱

杖一百徒三年

一製造及興販鴉片烟器具者照造買賭具及

販賣賭具例分別治罪有將煙具携出修製者許匠工首告量予獎賞

臣等謹按道光十九年五月內大學士軍機大臣會同各衙門及部議覆陞任鴻臚寺卿黃爵滋並各省將軍都統督撫及各科道條奏嚴禁鴉片烟章程一摺內稱栽種罌粟花連畦成畝尙未收漿製造烟土煎熬成膏售賣及收買鴉片烟土煙膏尙未售賣貽害者擬將爲首發極邊煙瘴

充軍爲從杖一百流三千里又製造及販賣鴉片煙器具者照造賣賭具例分別治罪失察各官分別議處等因具奏奉

上諭照所議辦理並著纂入則例永遠遵行等因

欽此臣等伏查栽種罌粟等花收買烟土及販賣烟具各罪名原奏均照舊例加重應將例文添改明晰以資引用謹將修改例文開列於後

修改

一栽種罌粟等花連畦成畝尙未收漿製造鴉片烟土熬膏售賣及收賣烟土煙膏尙未售賣貽害者爲首發極邊烟瘴充軍爲從杖一百流三千里

一製造及興販鴉片烟器具者均照造賣賭具例分別首從治罪失察之該管各官交部議處

續纂

一沿海姦徒開設窖口勾通外夷潛買鴉片烟

土入口囤積發賣圖利爲首擬斬立決恭請王命先行正法仍傳首海口地方懸竿示眾爲從同謀及接引護送之犯並知情受雇之船戶均擬絞監候房屋船隻一律入官失察員弁交部議處

一沿海員弁兵丁人等收受窖口財物縱放烟土入口無論賊數多寡概擬絞立決其未經得賄但知情徇縱或漏信致令脫逃俱發往新疆地方係官弁充當苦差兵丁爲奴如訊

不知情止係失於覺察者兵丁杖一百徒三年文武員弁及失察之海關監督交部議處

一沿海姦徒貪利寄囤夷船鴉片烟土者照開設窩口從犯治罪其尋常興販煙土案內知情受寄之犯減首犯一等治罪

一吸食鴉片煙後經改悔戒絕平民免其治罪係現任官員仍由該上司揭叅休致如戒食後尚存有鴉片烟灰未經燬棄者杖一百

一官吏兵役人等拿獲鴉片烟人犯得財賣放

者與本犯一體治罪贓重者計贓以枉法從重論

一粵東洋商與夷人貿易往來均令遵照住澳住行一定期限於賣貨完竣後即行起程逾限羈留者照違

制律杖一百如查有囤積鴉片煙情弊照例治罪房屋查抄入官

一州縣等官拿獲煙土解省之日該督撫親自查驗真偽加貼印封存貯司庫定期銷燬屆

仍由該督撫逐細覆驗沃以桐油並攪和食鹽白礬眼同銷燬務令悉成灰燼投之河海不准委任他員致滋弊混

一洋船進口有無夾帶鴉片煙土責成海關監督嚴飭胥吏人等認真檢查如有知情縱放得賄包庇並徇隱偷漏等弊從嚴懲處

一各省拿獲販賣鴉片煙人犯應根究何處購買何人經手何人包庇護送並由何處海口上岸及經過何處地方分別受賄知情與不

知情照例懲辦議處

臣等謹按道光十九年五月內大學士軍機大臣會同各衙門及臣部議覆陞任鴻臚寺卿黃爵滋並各省將軍都統督撫及各科道條奏嚴禁鴉片烟章程一摺內稱鴉片之來皆由海口內地姦民與夷匪私相交易加以兵弁縱容受財護送以致毫無顧忌肆意暢行至官員之失察胥役之得財商船之窩藏關津之偷漏種種流弊

不可勝數謹將舊例所無各條按其所犯情節酌定罪名以清吸食之源以絕興販之望等因具奏奉

上諭照所請辦理并著纂入則例永遠遵行等因欽此謹將原奏各條纂輯為例以資引用一市人帶有鴉片煙來內地圖賣者爲首擬斬立決爲從同謀者絞立決由該督撫審明確係正犯並無替冒情弊卽交地方官督同該夷頭目將各犯分別正法起獲烟土全行銷

燬同船知情之犯由該督撫酌量懲治所帶貨物概行入官

臣等謹按道光十九年五月內軍機大臣會同臣部議覆前任湖廣總督

欽差大臣林則徐奏夷人攜帶鴉片烟入口售賣治罪一摺內稱鴉片烟流毒中國爲害日深究其根源皆由夷船潛帶入口希圖售賣獲利以致愚民被誘吸食寢以成風非議定治罪專條不足以示懲儆請此後夷

人如帶有鴉片入口圖賣者爲首卽照開設
窩口例擬斬立決爲從同謀者從嚴擬絞
立決由該督撫審明確係帶賣鴉片烟首
從止法並無替冒情弊卽交該地方官督
同該夷人頭目將各犯分別正法起獲烟
土全行銷燬其同船之眾是否均係知情
亦由該督撫分別酌量懲治所帶貨物概
行人官等因具奏奉

旨允准遵行在案嗣於七月內復據

欽差大臣林則徐等奏廣東中路通商向以船進
虎門乃爲入口夷人所帶鴉片每先卸於
口外躉船然後入口今若以是爲界彼正
得以藉口趨避難保不於虎門口外再設
躉船恐辦理又形棘手請將新例內入口
字樣酌易爲來內地等字俾無可藉口等
因具奏奉

上諭據林則徐等奏新定章程內夷人帶烟入口
圖賣一條請將例內入口字樣酌易爲來內地

等字著照所議卽於新頒例內改易以杜趨避等因欽此謹纂輯專條以資引用

一伊犁等處卡外貿易夷人如有明知例禁合夥興販鴉片煙土入卡售賣漁利者卽照例分別首從問擬斬絞立決若僅止零星夾帶又訊係無知誤犯者應由該將軍等酌量枷號示懲至內地姦民有向夷人接賣鴉片煙土囤積發賣及知情寄囤夷人煙土者審實均照開設審口例分別辦理失察之該管官

弁兵役人等照例嚴參懲辦

臣部謹按道光二十年二月內軍機大臣

會同臣議覆調任伊犁將軍奕經等奏

請將夷人夾帶烟土售賣專條新定章程變通定罪一摺據該將軍原奏內稱伊犁與外夷接壤所有貿易貨物大半係牛馬羊隻間有牛皮毛氈夷布等件亦皆用牲畜馱載私匿較難卽或夾帶零星亦爲數無幾核與沿海用船裝載盈千累萬囤積

銷售大相懸殊且易貨地方係日中爲市縱有夾帶亦不過私行偷賣尤與開設窖口明目張膽毫無顧忌者迥異若一律概至重辟於撫綏外夷情形殊覺窒礙擬請夷人入卡貿易如有攜帶烟土售賣訊係無知初犯不過零星夾帶事發在一年六箇月內者於貿易處所枷號示眾令該管頭目於出卡時將該犯帶回本地傳諭夷眾俾共聞知經此次傳諭後如尚有夾帶

烟土事犯在限外者若審係不諳禁令實屬無心誤犯或因傳諭未徧偶爾夾帶並非積慣興販者似當原其犯時不知之情量予寬減應照開設窖口例減一等治罪倘係明知故犯公然合夥興販卽照開設窖口之例科罪其失察之官弁兵役人等俱照所犯各條按新例嚴行叅辦等語經臣等查新例夷人帶有鴉片煙來內地圖賣者爲首照開設窖口例斬立決爲從同

謀者絞立決例意原以鴉片烟流毒中國皆由外夷嗜利潛帶入口售賣引誘所致自非嚴定專條不足以遏絕弊源既據該將軍等奏稱該處夷人夾帶烟土入卡情形與沿海地方用船裝運圖賣者輕重懸殊似未便概置重典轉失撫綏之道自應量爲變通應如所奏嗣後夷人入卡貿易如係明知例禁公然合夥興販烟土入卡售賣漁利是其情罪毫無可原卽照新例

分別首從擬以斬絞立決其僅止零星夾帶又訊係無知誤犯無論在一年六箇月限內限外均與明知故犯者情罪迥別應由該將軍等酌量枷號以示懲儆該將軍原奏於事犯限外者不照限內一體枷號議於開設豁口例上減一等治罪意固欲稍示區別不知此等夷人若由死罪減等科斷勢難與內地軍流各犯一例實發辦理殊多窒礙應毋庸議至該管官弁兵役

人等失於覺察仍照例嚴叅懲辦又原奏
內稱姦民有勾通外夷囤積發賣鴉片情
事首從各犯卽照開設窖口例分別辦理
若係寄囤與囤寄夷船烟土無別亦照開
設窖口從犯例定擬其輾轉售賣之犯如
能指出受寄之人應照尋常興販烟土究
出知情受寄之犯減首犯一等例治罪如
不能指出仍依首犯科斷等因 臣等查沿
海地方凡勾通外夷潛買鴉片烟土囤積

發賣以及知情囤寄夷船烟土之犯新例
已從嚴治罪伊犁等處雖地非海墻但旣
與各夷接壤自應一律嚴辦以懲姦徒而
除積弊應如所奏嗣後伊犁等處如有姦
民向外來夷人接買鴉片烟土囤積發賣
及知情寄囤夷人烟土一經審實均卽照
例分別辦理至新例尋常興販烟土案內
究出知情受寄之犯減首犯一等治罪係
指受寄本犯而言與興販罪名毫不相涉

蓋與販之罪重於寄固即使到案指出受寄之人衡情亦無可寬減該將軍等原奏於輾轉售賣之犯欲以能否指出受寄之人分別減等科罪係屬誤會例意應無庸議等因具奏奉

旨允准遵行在案謹纂輯為例以資引用

一伊犁等處夷人進卡貿易有無夾帶鴉片煙土由該將軍責成守卡守台各官認真查驗并於夷貨入境時派員前往檢查毋任偷漏

徇隱該處夷人亦令遵照貿易定限於完竣後即行出卡不准逾限羈留

臣等謹按道光二十年二月內軍機大臣會同部議覆調任伊犁將軍奕經等奏籌議查辦鴉片烟章程一摺據該將軍原奏內稱伊犁貿易夷人分西南北三路其自西北來者應責成守卡各官及管理貿易之官弁認真搜查不准攜帶其自南路來者應責成守台各官及檢驗貨物之阿

奇木伯克等切實稽察毋致偷漏仍令出具並無夾帶烟土甘結附報申詳存案並於夷貨入境時嚴密派員前往檢查勿得隱諱瞻徇並立有貿易一定限期按不准藉端逼遛以便稽核等因經_臣等查貿易夷人所帶烟土自係於貨物入卡之時乘機混入若不認真盤查終難杜偷漏之弊該將軍等議請責成守卡守台各官於各路夷貨認真查驗入境後復派員前往檢

查並令該夷人具限貿易完竣出卡立法殊爲周密應如所奏辦理等因具奏奉旨允准遵行在案謹纂輯爲例以資引用

兵律

關津

私出外境及違禁下海

刪除

一拿獲偷渡過臺客民如尙在陸路客店道路未登舟以前客頭船戶客民俱照本例減一等發落如已登舟無分大船小船已未出口將客頭船戶客民卽照偷渡本例治罪若不將法客頭船戶內有積慣在於沿海村鎮引誘

包攬招集男婦老幼數至三十人以上者無論已未登舟一經拏獲即將客頭船戶俱改發極邊足四千里充軍至拿獲偷渡客民務須嚴究沿海陸路在何村鎮客店會集將該處兵役澳甲地保客店究明如止於失察兵役杖一百澳甲地保客店人等杖七十如有賄縱情弊計贓從重論兵役澳甲人等能於客店聚集時拿獲及首報偷渡客民者雖在本汛亦按照拿獲偷渡客民計名給賞若將

並非偷渡之人輒行妄拿圖功邀賞及挾嫌嚇詐情事仍各照本例分別從重治罪

臣等謹查此條例文從前舊例內載偷渡

過臺客民若不法客頭船戶內有積慣在於沿海村鎮引誘包攬招集男婦老幼數至三十人以上者無論已未登舟一經拏獲即將客頭船戶年力强壯者發遣新疆給種地兵丁爲奴年老殘廢者改發極邊烟瘴充軍等語嗣於道光六年十一月內

據原任陝甘總督那彥成奏請調劑新疆
遣犯經軍機大臣會同臣部議將引誘包
攬之客頭船戶俱改爲改發極邊足四千
里充軍奏准纂入例冊在案茲於道光二
十四年六月內據陞任貴州巡撫賀長齡
奏請調劑軍犯章程一摺復經軍機大臣
會同臣部議請嗣後新疆遣犯各照舊發
往其例發四省充軍之犯亦應實發等因
具奏奉

上諭據軍機大臣會同刑部議奏貴州軍犯擁擠
酌減調劑等語新疆遣犯改發內地恐人數眾
多不特約束難周且與民風大有關礙非若新
疆地方濶遼外遣人犯易於安插所有舊時改
發內地各條著仍照舊發往新疆交該將軍設
法妥爲安插並嚴飭所屬認真查核嚴加管束
毋令滋生事端俾期積久無弊餘依議欽此是
新疆與極邊烟瘴充軍之犯既各應照舊
發往此等客頭船戶分別年力發遣新疆

烟瘴充軍之原例現在猶存足資引用此
條係屬贅文應行刪除

私出外境及違禁下海

原例

一閩省不法棍徒如有充作客頭在沿海地方
引誘偷渡之人包攬過牽索取銀兩用小船
載出澳口復上大船者爲首發近邊充軍爲
從及澳甲地保舵工人等知而不舉者杖一
百徒三年遇有挈獲攬載偷渡船隻將搭載
大船及雇倩小船各船戶俱照客頭例分別
首從治罪船隻變價充公出具連環互結之

船戶并原保澳甲及開張歇寓之人知情容
隱者但杖一百枷號一箇月均不准折贖其
偷渡之人照私度關津律杖八十遞回原籍
若將哨船偷載圖利者亦照此例分別治罪
儻奸徒中途有謀害情事人已被害身死者
將同謀之人不分首從俱照江洋行劫大盜
例擬斬立決梟示如被害未死將爲首者比
照強盜傷人例擬斬立決同謀之人改發雲
貴兩廣烟瘴地方充軍雖未同謀下手但同

船知情不首告者杖一百徒三年至拏獲偷
渡人犯訊明從何處開船將失察奸船及隱
匿不報之文武官弁交部分別議處

修改

一閩省不法棍徒如有充作客頭在沿海地方
引誘偷渡之人包攬過臺索取銀兩用小船
載出澳口復上大船者爲首發近邊充軍爲
從及澳甲地保舵工人等知而不舉者杖一
百徒三年遇有拏獲攬載偷渡船隻將搭載

大船及雇倩小船各船戶俱照客頭例分別首從治罪船隻變價充公出具連環互結之船戶并原保澳甲及開張歇寓之人知情容隱者俱杖一百枷號一箇月均不准折贖其偷渡之人照私度關津律杖八十遞回原籍若將哨船偷載圖利者亦照此例分別治罪儻姦徒中途有謀害情事人已被害身死者將同謀之人不分首從俱照江洋行劫大盜例擬斬立決梟示如被害未死將爲首者比

照強盜傷人例擬斬立決同謀之人發黑龍江給披甲人爲奴雖未同謀下手但同船知情不首告者杖一百徒三年至拏獲偷渡人犯訊明從何處開船將失察姦船及隱匿不報之文武官弁交部分別議處

私出外境及違禁下海

原例

一官員兵民吏役人等吸食鴉片烟者俱擬絞監候係旗人仍銷除本身旗檔其失察兵役人等吸食鴉片烟之該管各官均交部議處一嗣後地方民人仍不准開設烟館違者照賭博例治罪隨同吸食無論人數多寡照違制律杖一百房主知情者房屋入官不知者不坐

按刑部議覆御史胡慶源條奏

私出外境及

一同居子弟有買食鴉片烟者除本犯照例懲辦外將家長照不能禁約子弟爲竊之例治罪

一吸食鴉片煙後經改悔戒絕平民免其治罪
係現在官員仍由該上司揭叅休致如戒食後尙存有鴉片烟灰未經燬棄者杖一百

修改

一官員及兵丁吸食洋藥俱擬絞監候係旗人
銷除本身旗檔失察之該管官均交部議處

一洋藥客商在鋪開館及別鋪並住戶開設烟館照開場聚賭例治罪在館吸食之人照違制律杖一百房主知情將房屋入官不知者不坐

一官員及兵丁買食洋藥家長不能禁約照不能禁約子弟爲竊例治罪

一官員及兵丁吸食洋藥後經改悔如存留煙灰未燬棄者杖一百

刪除

一粵東洋商與夷人貿易往來均令遵照住澳

不力並失察之該管各官交部議處

一栽種罌粟等花連畦成畝尙未收漿製造鴉片烟土熬膏售賣及收買烟土烟膏尙未售賣貽害者爲首發極邊烟瘴充軍爲從杖一百流三千里

一沿海奸徒開設窖口勾通外夷潛買鴉片烟土入口囤積發賣圖利爲首擬斬立決恭請王命先行正法仍傳首海口地方懸竿示衆爲從同謀及接引護送之犯並知情受雇之船戶均

擬絞監候房屋船隻一律入官失察員弁交部議處

一沿海員弁兵丁人等收受窖口財物縱放烟土入口無論贓數多寡概擬絞立決其未經得賄但知情徇縱或漏信致令脫逃俱發往新疆地方係官弁充當苦差兵丁爲奴叩訊不知情止係失於覺察者兵丁杖一百徒三年文武員弁及失察之海關監督交部議處

一沿海奸徒貪利寄國夷船鴉片烟土者照開

設霍口從犯治罪其尋常興販煙土案內知情受寄之犯減首犯一等治罪

一官吏兵役人等挈獲鴉片案犯得財賣放者與本犯一體治罪贓重者計贓以枉法從重論

一州縣等官拿獲烟土解省之日該督撫親自查驗真偽加貼印封存貯司庫定期銷燬屆期仍由該督撫逐細覆驗沃以桐油並撓和食鹽白礬眼同銷燬務令悉成灰燼投之河海不得委任他員致滋弊混

一洋船進口有無夾帶鴉片烟土責成海關監督嚴飭胥吏人等認真檢查如有知情縱放得賄包庇並徇隱偷漏等弊從嚴懲處

一各省挈獲販賣鴉片烟人犯應根究何處購買何人經手何人包庇護送並由何處海口上岸及經過何處地方分別受賄知情與不知情照例懲辦議處

一夷人帶有鴉片烟來內地圖賣者爲首擬斬

立決爲從同謀者絞立決由該督撫審明確
係正犯並無替冒情弊卽交地方官督同該
夷頭目將各犯分別正法起獲烟土全行銷
燬同船知情之犯由該督撫酌量懲治所帶
貨物概行入官

一伊犁等處卡外貿易夷人如有明知例禁合
夥興販鴉片煙土入卡售賣漁利者卽照例
分別首從問擬斬絞立決若僅止零星夾帶
又訊係無知誤犯者應由該將軍等酌量枷

號示懲至內地奸民有向夷人接買鴉片煙
土囤積發賣及知情寄囤夷人烟土者審實
均照開設窩口例分別辦理失察之該管官
弁兵役人等照例嚴參懲辦

一伊犁等處夷人進卡貿易有無夾帶鴉片煙
土由該將軍責成守卡守臺各官認真查驗
并於夷貨入境時派員前往檢查無任偷漏
徇隱該處夷人亦令遵照貿易定限於完竣
後卽行出卡不准逾限羈留